

\*\*\*\*\*0\*\*\*\*\*

## QUÆSTIO MEDICA.

QUOD LIBETARIIS DISPUTATIONIBUS  
manè discutienda in Scholis Medicorum, die Jovis  
decimâ-tertiâ Decembris.

M. ABRAHAMO THEVART, Doctore  
Medico, Præside.

*An sola cognitio morbi, inventio remedii?*

I.

**S**ANITATIS munere qui fruuntur, feliciter degunt, qui carent, assidue moriuntur. Sanitas in functionum omnium integritate mentisque similitudine posita, constanti sanguinis circuitu, pacato spirituum animalium influxu, & laudabili animi tranquillitate constat. Hæc vitæ felicitas ab utrâque pendet parte, animâ nempe & corpore; varia siquidem principiorum sanguinis proportionem varias anima patitur ægri- tudines. Ebulliente sanguine anima effertur, frigescente hebescit, lascivientē splendet, torpescente cadit. Omnia, quibus corpus humanum constat, motu conservantur; heu vitæ misera fors! instabili agitatione fir- manda. Natura enim non quiescit, ex uno in alium citissimè transit sta- tum, aded ut fortè dubites, an morborum medicatrix, an ipsorum esse- ctrix ipsa sit potiori jure appellanda? Athletarum roboris apicem tangis? morborum principium attingis: neque potes in eodem permanere, ne- que quiescere legibus naturæ obstrictus: hinc fortè est, quodd valetudi- narius, sodalibus attritus morbis, & veluti homo novâ resingendus in- tude aliquando longioris ævi sit, quàm robustus alius. Ex hac naturæ, quâ imitimus, inconstantiâ subnascuntur morborum myriades, à quibus humani corporis nulla pars immunis. Morborum natura in lædendis fun- ctionibus eadem, in lædendi modo varia. Malorum curatio alea peri- culi plena, maximâ cum prudentiâ, ratione, & experienciâ Medico sub- eunda; nâ propriæ conscientiæ, & famæ, infami lucro seductus minùs ipse consultit.

I L

**M**ORBIS bene mederi Medici munus est, non quidem ignorantis; benignos in malignos medicando transmutare empiricorum car- nificina nullo satis supplicio mulctanda. Adhibere curationibus artem dif- ficultatis Agyrtarum dolus est, famam aucupantium; nam si ægrotantes salutem recuperent, vafri illi difficillimum morbum se superasse arro-

2

ganter gloriantur. Raptim verò & fucatâ curatione morbos, præsertim febres reprimere, ignem est fovere cinere doloſo; etenim fugitiva curationum repentinarum voluptas ut occupat, sic relinquit; felicitas longior est ſpectare ſecurum: laxandi ergo ſunt aliquando febrium freni, nec anguſtiſſimo gyro earum impetus febrifugo exhibitò præmaturè reſtringendi. Ardua certè & abſtruſa recta medendi methodus, aſſiduâ experientiâ, indefeſſoque labore, cum ratione comparanda. Phyſices ſubtilitatibus ſtudere, neglectâ praxi, hominis eſt genio potiùs, quàm ægrotantibus conſulentiſ. Illas ſimulatâ prudentiâ rejiciendas omninò putas? ſocordix eſt, ingeniique laxiſſimi; ſine ratione experimenta inſequeris? Icareum præcipitium inſectaris; ſine experientiâ rationi tantùm indulgeſt Syzyphi ſaxum ſuſcipis volvendum. Remediorum inventio ut utiliſſima, ſic & diſciliſſima res videtur; hæc in cauſarum cognitione ſita diligenter deſiderat Medicum, qui non ſolùm cognitionis morborum ſollicitus, ſed cauſarum ſtudioſus eſſe debet. Morborum differentiæ penè ſunt innumeræ; has in principio diſtinguere, plenum eſt difficultatis opus. Morbi naſcentes herbulis è terrâ emergentibus ſimiles proſecti ſunt; illæ vel æci herbariæ peritis tunc proſus incognitæ. Non ſolùm quidem recentes ægri tudinum ortus ſuum celare ſolent genus, ipſa plerunque inter illas ſimilitudo non ſatis earum familiam demonſtrat; febres omnes eundem ferè modum naſcendi ſortiuntur, poſtmodum in quotidianarum, tertianarum, quartanarum, continuarumve naturam abituræ, tempore, aut circuituum reciprocantium charactere rectè deſignandæ.

## I I I.

**T**E proſus latet ſpecies morbi, at verò acutiem ejus & periculum times? nil tibi faciendum? hærebisne conterritus ed uſque tragœdiæ ſpectator? age ergò, occaſio præceps eſt, in principio ſi quid tibi videtur movendum, move; cave tamen decipiaris, feſtina lentè: multo igitur meliùs ægrotantium ſaluti proſpicitur, ſi nondum cognitis morbis, remedia præſcribantur, quàm ſi uſque dum cogniti ſint, ſine omni auxilio deferantur, dummodo ad cauſarum ſigna attendamus. Ambigua veræ pleuritiſis & doloris lateris ſpurii ſigna in calidis applicandis fomentis vel ipſum Hippocratem, morbo adhuc incognito, minimè remorantur: aliquid ergo tentandum eſt, ſed cum prudentiâ tentandum. Remedia exhibe, quæ ſi non proſint, illud, cujus adhuc incertus es, malum non augeant. Variæ quidem ſunt uniufcujuſque morbi cauſæ, quas ſi calluerit Medicus, tam cognitos, quàm incognitos ſanaturus erit indubiè morbos, qui ed faciliùs ſuperantur, quò illorum cauſa clariùs innotefcit. Exſibilandi illi, qui cauſarum ignari, aut nunquam ſolliciti, ſtatim ac morbi nomen audiunt, improbâ garrulitate ſecreta tali morbo proſicua (an meliùs dicas nomini tantùm dicata morbi) ſe habere lepidè obtrudunt, & audaçter, impunè tamen, ea veluti ex commentario præſcribere nunquam verentur. Verùm enimvero tergiverſari poſtmodum, atque hæcere horumce veteratorum petulantiam videas; gravitate, & complicatione morborum conſuſam.

**A**LIIUD est morbus, aliud ipsius causa; ille effectus, hæc verò effectrix. Illum cognoscis; haudquaquam istam percipis, arctissimè licet unum ab alio pendeat, & foveatur. Quis ergo Medicinæ tiro febrem tertio quoque recurrentem die, tertianam esse ineptissimè ambigit? quæ vel marcida anus frequentes, cruentas cum dolore, & ventris torminibus fluentes dejectiones videns, dysenteriam adesse dubitavit? causæ idè peritis ultro patefcit. Specie morbi perspectâ, quærenda attamen restat ejusdem causa, utiliorum longè indicationum radix, & fundamentum præcipuum; cujus notitia intimâ signorum contemplatione illucescit. Causarum ferè omnium morborum argumenta petis? Concitum aut retardatum sanguinis intestinum motum observa, ex cujus indagatiõne sanguinis malæ mixtionis signa desumes, à quâ unâ omne malorum genus derivatur. Torpescens sanguinis fluxus acidum author, cuspidatum corpus ad motum ineptum; hoc luxuriante sanguinis filamenta veluti consuta in majores coagmentata moleculas, aliquandò ut in febribus majori motus quantitatè, at minori velocitate cientur; Alkalino verò sale carminantur, pectuntur, atque magis expansa, ad velociorem motum procliviora redduntur. Ludunt sanè, qui sanguinem alkalino inspissati sale contendunt. Nec te fallant varia, quæ in excrementis aliisque corporis morbofi liquoribus institui solent, experimenta sal acré attestantia; ut fermentatio cum acidis succis; color viridis qui ad hujusmodi excrementorum admixtionem cum cæruleâ tincturâ resultat: nitri siquidem vinique spiritus, ambo licèt acidi sint, strenuè fermentescunt: pulvere vitrioli cyprii florum malvarum tinctura virefcit; quamvis cuspidibus acidis terrâ involutis tota inhörrescat vitrioli moles & congeries; omnium ferè ægrotantium urinâ, tum etiam sanorum recenter mixtâ eadem tinctura rubescit; virefcit verò, si cum urinâ per tres aut quatuor servatâ horas misceatur. Sal acri sulphureæ in phlegmate innatantes moleculæ ad mucosam usque coguntur densitatem, si omni prorsus destituantur calore; quod fieri in corpore viventi nequit, in quo omnia calent, undè scabræ alkalini salis superficies: intra corpus agitata potius rumpere, & attenuare, quàm irretire sulphurum moleculas poterunt. Acidi, sicut & alkali Protheiformis indoles & natura: unum genus acidi, unum & alkali, verum utrorumque variæ sunt quoad magnitudinem species, gradusque diversi. Hos ut cognoscas, auxilio tibi erit Analysis Chimica, quâ, dissecante igne, naturæ viscera feliciter rimaberis, horumque salium multiplices erues differentias: quibus examinatis analogoque sanguini succo admixtis, (vel si mavis & ipsi sanguini) quid valeant in humoribus nostris, intelliges, quibusque mediis eorum effusus seu incongruus motus compescatur aut emendetur, edifies, & facilius optima morbis remedia invenes, quàm si tantùm morborum fueris studiosus nomenclator.

**A**CCIDUNT sanè morbi quadam inevitabili naturæ necessitate; verum est in ipsâ calamitate felicitas, cum anceps ægrotantium fortuna doctum fortita expertumque Medicum fuerit; qui non perfunctoriè sed optimis suffultus indicationibus curaverit, in quibus totus rationalis Medicinæ cardo vertitur. Fluunt ejusmodi indicationes ex triplici fonte, morbo nempe, symptomate, & morbi causâ. Morbus ut actiones lædens therapeutica sui ablationem indicat, atque quomodo, quando, quandiu, ubi, & quantum agendum sit, solum insinuat, remedium verò nunquam demonstrat, nisi in quibusdam partium morbis. Errant antiqui, qui cum in primis qualitatis morbos posuere, febrem calore semper stipitam remedia frigida indicare asseruerunt. Symptomatis indicatio ad se quandoque totam curantis intentionem trahit, ubi causâ rationem obtinuerit; cave tamen lædas in evacuationibus symptomaticis semper curandis. Clazomenium dysenterica evacuatio à morbo liberavit. Chæronem tam graviter ægrotantem dejectionibus perpetuò afflictum jugulavisset Hippocrates symptoma illud cohibendo. Neque ergo ad terribilia morborum symptomata Medici prudentia illicò consternatur, debet enim hæc esse, & videri animosa: in parvis propè ad securitatem remissa, in mediocribus modicè diligentior; ubi magna venerunt, juxta magnitudinem exantlandi laboris erigatur. Sola causâ optimum tutumque medicamen indicat; illius naturæ gnarus, tardè fallitur, tardè in inventione remedii decipitur. Causâ penitus latente, nec illud, quod multis saluti fuit remedium, proficuum: Vidimus multoties febres adversus remedium communium, febrifugorumve jugum appositum cervice dubiâ contumaces, irredivo furorè, nefandis stimulis excitatas, ob ignorationem causæ. In hac ergo expiscanda totus labor, totum collocandum studium; quod qui fecerit, quis erit inquam ad præsentendum sagacior, quis vigilantior ad videndum, quis contemplabitur futura acrius, ventura prolixius, ambigua certiùs, captilosa feliciùs?

*Ergo non sola cognitio morbi, inventio remedii.*

Domini Doctores disputaturi.

M. Ludovicus-Francisus Dutal. M. Raymundus-Jacobus Finet. M. Francisus Vazou.  
M. Michaël-Ludovicus Rencoume M. Claudius Berger, à Regiâ M. Claudius Berger.  
de la Garanne, à Regiâ Scien- Scientiarum Academiâ.

M. Ludovicus Demondiers-Dugé. M. Philippus-Bernardus de M. Dominicus de Favèy,  
Bordegaraye. Academia Censor.

Proponēbat Parisiis PETRUS AZEVEDO, Hispanus,  
Baccalaureus Medicus. A. R. S. H. 1703.

Apud Viduam Francisci Muguet, Regis & Facultatis Medicinæ Typog.